

醫方類聚卷之四十六

傷寒門 二十

千金方 二

傷寒雜治

凡除熱解毒無過苦酢等物故多用苦參青  
箱艾梔子葶蘆苦酒烏梅之屬是其要也夫  
熱盛非苦酢物不解也熱在身中既不時治  
治之又不用苦酢等藥此如救火不以水也  
必不可得脫免也又曰今諸療多用辛甘薑

桂人參之屬此皆貴價難得常有比行求之轉以失時而苦參青箱葶藶艾之屬所在盡有除熱解毒最良勝於向 貴價藥也前後數參並川之得病內熱者不必按藥次也便以青箱苦參艾苦酒療之但稍與促其間無不解也扁鵲曰病在腠理湯熨之所及病在血脉針石之所及病在骨髓無可奈何而凡醫治病或言且待使病成乃頓去之此爲妄矣常預約束家中及所部曲具語解此意使

有病者知之爲要

治溫氣病欲死方苦參一兩以酒二升煮取一升盡飲之當吐則除諸毒病服之覆取汗皆愈張文仲及肘後云治熱毒氣死破棺千金湯

苦參湯治熱病五六日已上方

苦參 三兩 黃芩 二兩 生地黃 八兩

右三味咬咀以水八升煎取二升適寒溫服一升日再

凝雪湯治時行毒病七八日熱積聚胃中煩亂欲死起死人搗湯方芫花一升以水三升煮取一升半清故布薄胃上不過三薄熱即除常溫暖四肢護厥逆也

栝萋湯治傷寒中風五六日已上但胃中煩乾嘔方

栝萋實一枚 黃芩一枚 甘草各三兩 生薑四兩 大棗

十二枚 柴胡半斤

右六味咬咀以水一斗二升煮取五升絞

去滓適寒溫服一升日三

盧根飲子治傷寒後嘔噦反胃及乾嘔不下食方

生蘆根切 青竹茹各一升 粳米三合 生薑三兩

右四味以水七升先煮千里鞋底一隻取五升澄清下藥煮取二升半隨便飲不瘥重作取瘥

治傷寒後嘔噦方

通草三兩 生蘆根切一升 橘皮一兩 粳米三合

右四味咬咀以水五升煮取二升隨便稍飲不瘥更作取瘥止

治傷寒後虛羸少氣嘔吐方

石膏 麥門冬 半夏各一升 竹葉把二人參

二兩

右五味咬咀以水一斗煮取六升去滓內粳米一升米熟湯成飲一升日三服一方加生薑五兩此方正是仲景竹葉湯方前卷汗後門中已有此方仍少甘草分兩不

別

治熱毒攻手足赤腫焮熱疼腫痛欲脫肘後方欲

斷方煮馬屎若羊屎汁漬之日三度

又方濃煮虎杖根適寒溫以漬手足令至踝

上一尺止肘後方以漬足令踝上有赤許水止之

又方稻穰灰汁漬之聖惠方肘後方同

又方取酒煮苦參以漬之肘後方同

又方猪膏和羊屎塗之亦佳肘後方同

又方取常思草絞取汁以漬之一名蒼耳聖惠

方肘後  
方同

漏蘆連翹湯治時行熱毒變作赤色癰疽丹  
疹毒腫及眼赤痛生障醫方

漏蘆 連翹 黃芩 麻黃 白欽 升

麻 甘草各一兩 枳實 大黃各三兩

右九味咬咀以水九升煮取三升分三服  
相去如人行五里久更服熱盛者可加芒

消二兩

猪膽湯

南陽活人書無求子活人書傷寒活人書指掌圖永類鈔方猪膽雞子湯

治傷寒五六日斑出方

猪膽

指掌圖

苦酒

各三合

雞子

一枚

右三味合煎三沸强者盡服之羸者須煎  
六七沸分爲二服汗出即愈

治人及六畜時氣熱病豌豆瘡方濃煮黍穰  
汁洗之一莖是稭穰即不瘡瘡若黑者搗  
蒜封之○聖惠方右濃煮黍穰汁洗之若  
誤使稭穰即不差

又方煮芸薹洗之

治熱病後發豌豆瘡方黃連三兩以水二升取八合頓服之

又方真波斯青黛大如棗水服之瘡○聖惠

方治傷寒發豌豆瘡未作膿方青黛一兩細研

右以新汲水不計時候調下一錢神巧萬全方同

聖濟總錄治傷寒熱病初出豌豆瘡三五

箇便服此令瘡不出黑散子方青黛一分右

一味研細每服新汲水調下一錢匕不拘時候

又方青木香二兩以水三升煮取一升頓服

之○聖惠方治傷寒病發豌豆瘡未成膿

初覺宜服此方木香半兩右搗碎以水一大

盞煎至六分去滓頓服之王氏集驗方傷

寒衛生易簡方天行熱病若發赤黑斑如痲方青

木香二兩水二升煮取一升頓服効

又方若赤黑發如疥大一作疾者煎羊脂摩傅

之

又方小豆屑雞子白和傅

又方婦人月水帛拭之

神巧萬全方同

又方小兒著取月水汁和水浴之

神巧萬全方同

木香湯治瘡煩疼者方

青木香兩

一薰陸香

礬石

丁香

各一

麝

香兩

右五味咬咀以水四升煮取一升半分再

服熱毒盛者加犀角一兩無犀角以升麻

代病輕者去礬石神驗

又方芒消和猪膽塗上勿動痂落無痕仍臥

黄土末上良此病小便澀有血者內壞瘡皆黑靨不出膿者死不治也

治內發瘡盛方

酢四合大猪膽一具

右二味合煎三沸服一合日五服之食驗

治豌豆瘡初發覺欲作者方煮大黃五兩服

之愈○聖惠方治時氣發豌豆瘡初覺宜

服此方川大黃半兩剉碎微炒右以水一大盞煎

至七分去滓分為二服日三四服

治時行病發瘡方取好蜜徧身摩瘡上亦可  
以蜜煎升麻摩之并數數食之○聖惠方  
治時氣發豌豆瘡方右以好白蜜通身塗  
於瘡上亦可數數食蜜如瘡爛痛可用細  
研黃土傅之肘後方比歲有病時行仍發  
瘡頭面及身須臾周匝狀如火瘡皆戴白  
漿隨決隨生不卽治劇者多死治得差後  
瘡癥紫黑彌歲方滅此惡毒之氣世人云  
永徽四年此瘡從西東流遍于海中煮葵

菜以蒜薑啖之卽止初患急食之少飯下  
菜亦得以建武中於南陽擊虜所得仍呼  
爲虜瘡諸鑿叅詳作治用之有效方取好  
蜜通身上摩亦可以蜜煎升麻并數數食  
治傷寒鼻衄肺間有餘熱故也熱因血自上  
不止用此方

牡蠣 二兩 石膏 一兩  
半 六銖

右二味治下篩酒服方寸匕日三四亦可  
蜜丸如梧子大用治大病瘥後小勞便鼻



衄者

治傷寒熱病喉中痛閉塞不通方

生烏扇一斤猪脂一斤

右二味合煎藥成去滓取如半雞子大薄

絲裹之內喉中稍稍咽之取瘥

又方升麻 芍藥 羚羊角各三兩 通草四兩射

干二兩生蘆根升切一

右六味咬咀以水七升煮取二升半分三

服

治熱病口中苦下氣除熱喉中鳴煎方

石膏半升蜜一升

右二味以水三升先煮石膏取二升次內

蜜復煎取如飴含如棗核許盡復含之大

良

治傷寒熱病後口乾喜唾咽痛方

大棗二十枚烏梅十枚

右二味合搗蜜和含如杏核大咽其汁甚

驗

禹餘糧湯傷寒服湯藥而下利不止心下痞  
堅服瀉心湯竟復以他藥下之利不止醫以  
理中與之而利益甚理中治中焦此利在下  
焦治之方

禹餘糧

赤石脂

各一斤碎

右二味以水六升煮取二升分三服若不  
止當利小便

治傷寒後下利膿血方

阿膠

一斤

黃蘗

二斤

黃連

四兩

梔子

十四枚

十四

右四味咬咀以水六升煮取二升去滓內  
阿膠更煎令消分為三服甲乙方無黃蘗  
有黃芩

治赤白下膿小兒得之三日皆死此有蟻蟲  
在下部方

麝香 礬石 巴豆 附子 真珠 雄

黃 各等分

右六味治合取桑條如箭幹長三寸以絲  
纏頭二寸唾濡絲展取藥著絲上內穀道

中半日復易之日再神效

治温毒及傷寒內虛外熱攻胃下黃赤汁及

爛肉汁赤滯下伏氣腹痛諸熱毒方

梔子 二七枚 鼓 一升 薤白 一握

右三味以水四升先煮梔子薤白令熟次內鼓煮取二升半分三服頻服取瘥

治病後虛腫方

鼓 五升 醇酒 一斗

右二味煮三沸及熱頓服不耐酒者隨性

覆取汗

治汗不止方地黄三斤切以水一斗煮取三

升分三服

又方白朮葉作飲飲之

又方白朮方寸匕以飲服之

治卒得汗不止方温酒服牛羊脂

又方服屎亦止

治盜汗及汗無時方韭根四十九枚水二升

煮一升頓服○聖惠方治傷寒後虛羸盜

汗不止方右以葦根四十九莖以水一大  
盞煎至五分去滓頓服

又方豉一升以酒二升漬三日服不瘥更合  
服不過三劑即止

又方死人席緣燒灰煮汁洗身瘥

止汗方

杜仲 牡蠣 各等分

右二味治下篩臨夜卧以水服五錢匕

又方牡蠣 雷丸 麻黃根 各三兩 乾薑 廿

草 各一兩 米粉 二升

右六味治下篩隨汗處粉之

牡蠣散治卧即盜汗風虛頭痛方

牡蠣 白朮 防風 各三兩

右三味治下篩酒服方寸匕日二止汗無

出此方一切泄汗服之三日皆愈神驗

勞復

凡熱病新瘥及大病之後食猪肉及羊血肥  
魚油膩等必當大下利醫所不能治也必至

於死若食餅餌粢黍飴脯鱠炙棗栗諸菓物  
脯脩及堅實難消之物胃氣尚虛弱不能消  
化必更結熱適以藥下之則胃氣虛冷大利  
難禁不下之必死下之復危皆難救也熱病  
及大病之後多坐此死不可不慎也  
病新瘥後但得食糜粥寧少食令飢慎勿飽  
不得他有所食雖思之勿與之也引日轉久  
可漸食羊肉白糜若羹汁雉兔鹿肉不可食  
猪狗肉也新瘥後當靜卧慎勿早起梳頭洗

面非但體勞亦不可多言語用心使意勞煩  
凡此皆令人勞復故督郵顧子獻得病已瘥  
未健詣華敷視脉曰雖瘥尚虛未得復陽氣  
不足慎勿勞事餘勞尚可女勞則死當吐舌  
數寸其婦聞其夫瘥從百餘里來省之經宿  
交接中間三日發熱口噤臨死舌出數寸而  
死病新瘥未滿百日氣力未平復而以房室  
者略無不死有士蓋正者疾愈後六十日已  
能行射獵以房室卽吐涎而死及熱病房室

名爲陰陽易之病皆難治多死近者有一士  
 大夫小得傷寒瘥已十餘日能乘馬行來自  
 謂平復以房室卽小腹急痛手足拘攣而死  
 黃龍湯治傷寒瘥後更頭痛壯熱煩悶方景  
 名小柴  
 胡湯

柴胡半斤 半夏半升 黃芩三兩 人參  
 甘草各二兩

生薑四兩 大棗十二枚

右七味咬咀以水一斗煮取五升去滓服  
 五合日三不嘔而渴者去半夏加括蕒根

四兩

補大病後不足虛勞方萬病虛勞同用

取七歲已下五歲已上黃牛新生者乳一  
 升以水四升煎取一升如人體溫稍稍飲  
 之不得過多十日服不絕爲佳

治傷寒溫病後勞復或食或飲或動作方

梔子人枚三七 石膏五兩 鼠屎尖頭大者二十枚 香豉

一升  
 右四味咬咀以水七升煮取三升分三服

類聚 卷之六 十一

治病後勞復或因洗手足或梳頭或食等勞復方取洗手足汁飲一合又取頭中垢如棗核大吞一枚

治病新瘥遇美飲食食過多食復者方取所食餘燒為末飲調服二錢七日三服

治新瘥早起及食多勞復方○肘後方治篤病新起早勞及食飲多致復欲死方

鼓五鼠屎二十一枚尖頭者右二味以水二升煮取一升肘後方水盡

服之溫卧令小汗愈崔氏加梔子七枚尤良肘後有麻子人內一升加水一升亦可內枳實三枚葱白壹虎口

治重病新瘥早起勞及飲食多致發欲死方

燒鼈甲末飲服方寸匕肘後方壽域神方衛生易簡方同

治食大飽不消勞復脉實者方

豉一鼠屎二十枚梔子七枚大黃三兩

右四味以水六升煮取二升分三服微取汗應小鴨溏者止不溏者復作

類聚 卷之六 十一

卷之四十六  
十一

治勞復垂死方暖湯三合洗四五歲女子陰

取汁內口中服即愈小男兒亦得

麥門冬湯治勞復氣欲絕起死人方

麥門冬一兩甘草二兩京棗二十枚竹葉切一升

右四味咬咀以水七升煮粳米一升令熟

去米內諸藥煎取三升分三服不能服者

繇滴湯內口中用之有效

治食勞方麵二升煮取汁服之

又方杏仁五十枚以酢二升煎取一升服之

取汗

又方燒人屎灰水服方寸匕

欲令病人不復方燒頭垢如梧子大服之

治傷寒瘥後一年心下停水不能食方

生地黃一斤白朮一斤好麵二斤

右三味合搗令相得曝乾下篩酒服方寸

匕日三加至二匕

婦人温病雖瘥未苦平復血脉未和尙有熱  
毒而與之交接得病者名爲陰易之病其人



身體重熱上衝胃頭重不能舉眼中生眵  
一作膜四肢一云膝拘急小腹絞痛手足拳皆卽  
死其亦有不卽死者病苦小腹裏急熱上衝  
胃頭重不欲舉百節解離經脉緩弱血氣虛  
骨髓竭便噓噓吸吸氣力轉少著牀不能動  
搖起止仰人或引歲月方死醫者張苗說有  
婢得病瘥後數日有六人姦之皆死  
治婦人得病易丈夫丈夫得病亦易婦人方  
取女人中裊近隱處燒服方寸七日三小

便卽利陰頭微腫此爲愈矣女人病可取  
男禪一如此法

治交接勞復陰卵腫縮腹中絞痛便欲死方

取所交接婦人衣裳以覆男子立愈神巧萬全

方○肘後方取所交接婦人衣覆男子上  
同壽域神一食久活之方  
方身上

令病人不復方取女人手足爪二十枚女人  
中衣帶一尺燒以酒若米飲汁服之○肘  
後方兩男兩女並不自相易則易之爲名

陰陽交換之謂也凡欲病人不復取女人手足爪二十枚又取女中下裳帶一尺燒灰以酒若米飲服之

治男子新病起近房內復者方取女人月經赤帛燒服方寸匕亦治陰卵腫縮入腹絞痛欲死

治病後髮亂不可理通頭法生麻油二升將頭髮解開安銅沙羅中用油淹漬之細將釵子領髮斯須並自通

### 百合

百合病者謂無經絡百脉一宗悉致病也皆因傷寒虛勞大病已後不平復變成斯病其狀惡寒而嘔者病在上焦也二十三日當愈其狀腹滿微喘大便堅三四日一大便時復小溲者病在中焦也六十三日當愈其狀小便淋瀝難者病在下焦也三十三日當愈各隨其證以治之百合之爲病令人意欲食復不能食或有美時或有不用聞飲食臭時如

有寒其實無寒如有熱其實無熱常默默欲臥復不得眠至朝口苦小便赤澀欲行復不能行諸藥不能治治之卽劇吐利如有神靈所爲也百合病身形如和其脉微數其候每溺時卽頭覺痛者六十日乃愈百合病候之溺時頭不覺痛淅淅然寒者四十日愈百合病候之溺時覺快然但覺頭眩者二十日愈百合病證其人或未病而豫見其候者或已病四五日而出或病一月二十日後見其候

者治之喜誤也依證治之

百合病見在於陰而攻其陽則陰不得解也復發其汗爲逆也見在於陽而攻其陰則陽不能解也復下之其病不愈要略云見於陰者以陽法救之見於陽者以陰法解之見陽攻陰復發其汗此爲逆其病難治見陰攻陽乃復下之此亦爲逆其病難治

治百合病變腹中滿痛者方但取百合根隨多少熬令黃色搗篩爲散飲服方寸匕日

三滿消痛止○聖惠方治傷寒百合病腹  
中滿痛方百合一兩炒右件藥搗細羅為  
散勿服不計時候以粥飲調下二錢

傷寒不發汗變成狐惑病

狐惑之病其氣如傷寒默默欲眠目不得閉  
起臥不安其毒在喉咽為惑病在陰肛者為  
狐病狐惑之病並惡食飲不欲食聞食臭其  
而目翕赤翕自翕黑毒食於上者則聲喝也  
喝一毒食下部者則乾咽也此由溫毒氣所

為食於上者瀉心湯主之食於下者苦參湯  
淹洗之食於肛外者熏之并用雄黃三片稍  
置瓦餅中炭火燒向肛熏之并服湯也

治狐惑湯方

黃連 薰草 各四兩

右二味咬咀白酢漿一斗漬一宿煮取二  
升分為三服

瀉心湯其病形不可攻不可灸因火為邪血  
散脉中傷脉尚可傷藏則劇并輸益腫黃汁

出經合外爛肉腐爲癰膿此爲火疽醫所傷也夫脉數者不可灸因火爲邪卽爲煩因虛逐實血走脉中火氣雖微內攻有力焦骨傷筋血難復也應在瀉心瀉心湯兼治下痢不止腹中幅堅而嘔吐腸鳴者方

甘草瀉心

仲景名方瀉心要略名

半夏半升黃芩 人參 乾薑 甘草各三

黃連兩一大棗十二枚

右七味咬咀以水一斗煮取六升分服一

升日三

### 傷寒發黃

黃有五種有黃汗黃疸穀疸酒疸女勞疸黃汗者身體四肢微腫胃滿不渴汗出如黃蘗汗良由大汗出卒入水中所致黃疸者一身面目悉黃如橘袖暴得熱以冷水洗之熱因留胃中食生黃瓜熏上所致若成黑疸者多死穀疸者食畢頭眩心忪怫鬱不安而發黃由失飢大食胃氣衝熏所致酒疸者心中懊

痛足脛滿小便黃面發赤斑黃黑由大醉當  
風入水所致女勞疸者身目皆黃發熱惡寒  
小腹滿急小便難由大勞大熱而交接竟入  
水所致但依後方治之

黃汗之爲病身體洪腫發熱汗出不渴狀如  
風水汗染衣色正黃如藥汁其脉自沉從何  
得之此病以汗出入水中浴水從汗孔入得之  
黃者芍藥桂酒湯治黃汗方

黃者五兩芍藥三兩桂心三兩

右三味咬咀以苦酒一升水七升合煎取  
三升飲一升當心煩也至六七日稍稍自  
除心煩者苦酒阻故也

黃疸之病疸而渴者其病難治疸而不渴其  
病可治發於陰部其人必嘔發於陽部其人  
振寒而微熱

桂枝黃耆湯諸病黃疸宜利其小便假令脉  
浮當以汗解

桂枝 芍藥 生薑 各三兩 甘草 二兩 黃耆 五兩

大棗

十二枚

右六味咬咀以水八升微火煎取三升去滓温服一升覆取微汗須臾不汗者飲稀熱粥以助湯若不汗更服湯

麻黃醇酒湯治傷寒熱出表發黃疸方麻黃三兩以醇酒五升煮取一升半盡服之温覆汗出卽愈冬月寒時川清酒春月宜用水

治黃疸方

瓜蒂

秫米

赤小豆

各二匕枚

右三味治下篩病重者取如大豆二枚內著鼻孔中痛縮鼻須臾當出黃汁或從口中出汁升餘則愈病輕者如一豆不瘥間日復用又下里間以筒使人極吹鼻中無不死大慎之刪繁療天行毒熱通貫藏腑沉伏骨髓之間或爲黃疸黑疸赤疸白疸穀疸馬黃等病喘息須臾不絕

大黃圓治同前

大黃 葶藶各二兩

右二味為末蜜和丸如梧子大未食服十  
丸日三病瘥止

又方大黃二兩黃連三兩黃蘗 黃芩各一兩 麴衣

合五

右五味為末蜜丸如梧子大先食服三丸  
日三不知加至五丸

茵陳湯治黃疸身體面目盡黃方

茵陳 黃連各三兩 黃芩二兩 大黃 甘草

人參各一兩 梔子二十枚

右七味咬咀以水一斗煮取三升分三服  
日三亦治酒疸酒癖

三黃散治同前

大黃 黃連 黃芩各四兩

右三味治下篩先食服方寸七日三亦可  
為丸

五苓散治黃疸利小便方

猪苓 茯苓 澤瀉 白朮 桂心各三銖

類身四六  
五  
三



右五味搗篩爲散渴時水服方寸匕極飲水卽利小便及汗出愈

秦椒散治黃疸飲少溺多方古今錄驗用治膏痺

秦椒六銖瓜蒂兩半

右二味治下篩水服方寸匕日三

小半夏湯治黃疸小便色不異欲自利腹滿而喘者不可除熱熱除必噦方

半夏各半斤生薑各半斤

右二味咬咀以水七升煮取一升五合分

再服有人常積氣結而死其心上暖以此湯少許汁入口遂活

治黃疸方取生小麥苗搗絞取汁飲六七合晝夜三四飲三四日便愈無小麥穢麥亦得用

治黃疸變成黑疸醫所不能治者方土瓜根搗汁一小升頓服日一平旦服至食時病從小便出先須量病人氣力不得多服力衰則起不得

治發黃身面目悉黃如金色小便如濃者藥汁衆醫不能療者方

茵陳 梔子 各四兩 黃芩 大黃 柴胡

升麻 各三兩 龍膽 二兩

右七味咬咀以水八升煮取二升七合分

三服若身體羸去大黃加梔子人五六兩

生地黄一升 延年秘錄無茵陳有梔子四兩栝蓼三兩芒消二兩近效

方加枳實二兩 夫黃發已久變作桃皮色心下有

堅嘔逆不下飲食小便極赤色少四肢逆

冷脉深沉極微細遲者不宜服此方得下

必變碗也宜與大茵陳湯除大黃與生地

黃五兩服湯盡消息看脉小浮出形小見

不甚沉微便可治也脉浮見者黃當明不

復作桃皮色心下自寬也 大茵陳湯方出次後十一味者是

苦參散治人無漸忽然振寒發黃皮膚黃麴

塵出小便赤少大便時秘氣力無異食飲不

妨已服諸湯散餘熱不除久黃者宜吐下方

苦參 黃連 瓜蒂 黃蘗 大黃各一兩

葶藶二兩

右六味治下篩飲服方寸匕當大吐吐者日一服不吐日再亦得下服五日知可消息不覺退更服之小折便消息之

治發黃方

茵陳 黃蘗 梔子 大黃各三兩 黃連二兩

右五味咬咀以水九升煮取三升分三服先服湯後服丸方

大黃五兩 茵陳 梔子各三兩 黃芩 黃蘗

黃連各二兩

右六味為末以蜜丸如梧子大白飲服二十丸令微利

茵陳湯治傷寒七八日內實瘀熱結身黃如橘小便不利腹微脹滿宜下之方

茵陳六兩 大黃三兩 梔子四十枚

右三味咬咀以水一斗二升先煮茵陳取五升去滓次內梔子大黃煎取三升分服

一升日三小便當利如皂莢沫狀色正赤當腹減黃悉隨小便去也范注用療穀疸小品方用石膏壹斤

大黃黃蘗湯治發黃腹滿小便不利而赤自汗出此為表和裏實當下之方

大黃三兩黃蘗兩芒消各四兩梔子十五枚

右四味咬咀以水六升煮取二升去滓內芒消復煎取一升先食頓飲之

茵陳圓治時行病急黃并瘴癘疫氣及瘡瘰

方

茵陳 梔子 芒消 杏仁各三兩 巴豆一兩

恒山 鼈甲各二兩 大黃 豉各五兩

右九味為末以錫為丸如梧子大飲服三丸以吐利為佳不知加一丸初覺體氣有異急服之即瘥神方

治急黃熱氣骨蒸兩目赤脈方

芒消一兩生地黃汁八合大黃一兩半末

右三味合和一服五合日二以利為度不

類聚四十六

須二服

治風疸小便或黃或白洒洒寒熱好卧不欲動方

三月生艾一束搗取銅器煎如漆密封之大黃 黃連

凝水石 栝藂根 苦參 葶藶各六銖

右七味六味為末以艾煎和丸如梧子大先食服五九日二可至二十九有熱加苦參渴加栝藂小便澀加葶藶小便多加凝水石小便白加黃連大黃難加大黃

濕疽之為病始得之一身盡疼發熱面色黑黃七八日後壯熱熱在裏有血當下去之如狔肝狀其小腹滿者急下之亦治一身盡黃目黃腹滿小便不利方

礬石 滑石各五兩

右二味治下篩以大麥粥汁服方寸七日三先食服之便利如血者已當汗出瘥寸口脉浮而緩浮則為風緩則為痺痺非中風四肢苦煩脾色必黃瘥熱以行跗陽脉緊

類聚四十六

卷九

而數數則為熱熱則消穀緊則為寒食則滿也尺脉浮為傷腎跗陽脉緊為傷脾風寒相薄食穀即眩穀氣不消胃中苦濁濁氣下流小便不通陰被其寒熱流膀胱身故盡黃名曰穀疸

治勞疸穀疸丸方

苦參

三龍膽一兩

右二味為末牛膽和為丸如梧子大先食以麥粥飲服五丸日三不知稍加之刪繁

方加梔子人三七枚以猪膽和丸

夫酒疸其脉浮者先吐之沉弦者先下之夫  
人病酒疸者或無熱靖言了了腹滿欲吐嘔  
者宜吐之方前苦參散七味者是酒疸必小  
便不利其候當心中熱足下熱是其證也夫  
酒疸下之久久為黑疸目青面黑心中如啖  
蒜齏狀大便正黑皮膚爪之不仁其脉浮弱  
雖黑微黃故知之

枳實大黃湯治傷寒飲酒食少飲多痰結發

黃酒疸心中懊懣而不甚熱或乾嘔方

枳實五枚 大黃三兩 豆豉半升 梔子七枚

右四味咬咀以水六升煮取二升分三服  
心中熱疼懊懣皆主之

凝水石散治肉疸飲少小便多如白泔色此  
病得之從酒

凝水石 白石脂 括蕪根 桂心各三

菟絲子 知母各十

右六味治下篩麥粥飲服五分七日三服

五日知十日瘥

茯苓圓治心下縱橫堅而小便赤是酒疸者  
方

茯苓 茵陳 乾薑各一兩 白朮熬 枳實各

十半夏 杏仁各十 甘遂六 蜀椒 當歸

各十  
二銖

右十味為末蜜和丸如梧子大空腹服三  
丸日三稍稍加以小便利為度千金翼加

一兩大黃十八銖名茵陳丸治黑疸身

體闇黑小便澀

半夏湯治酒癖蔭胃心脹滿骨肉沉重逆害飲食乃至小便赤黃此根本虛勞風冷飲食衝心由脾胃內痰所致方

半夏升一生薑 黃芩 茵陳 當歸各一兩

前胡 枳實 甘草 大戟各二兩 茯苓

白朮各三兩

右十一味咬咀以水一斗煮取三升分三服

牛膽圓治酒疸身黃麴塵出方

牛膽一枚芫花升一蕤花升半瓜蒂三兩大黃八兩

右五味四味咬咀以清酒一斗漬一宿煮減半去滓內牛膽微火煎令可丸如大豆服一九日移六七尺不知復服一九至八九膈上吐膈下下或不吐而自愈

大茵陳湯治內實熱盛發黃黃如金色脉浮大滑實緊數者夫發黃多是酒客勞熱食少胃中熱或溫毒內熱者故黃如金色方



茵陳 黃蘗 各一兩半 大黃 白朮 各三兩 黃芩

甘草 茯苓 栝蒌根 前胡 枳實 各二兩

梔子 二十枚

右十一味 㕮咀 以水九升 煮取三升 分三服 得快下消息 三四日更治之

茵陳 圓治氣淋 臏脹腹大 身體面目悉黃 及

酒疸 短氣不得息方

茵陳 天門冬 梔子 各四兩 大黃 桂心

各三兩 通草 石膏 各二兩 半夏 半升

右八味 蒸大黃 通草 天門冬 半夏 梔子 曝令乾 合搗篩 蜜丸 如大豆 服三丸 日三息 生魚以豆羹服 不得用酒 一方去石膏 內滑石二兩 不知加至十丸

黃家至日晡所發熱而反惡寒 此為女勞得之 當膀胱急 小腹滿 體盡黃 額上黑 足下熱 因作黑疸 其腹臏脹而滿 如欲作水狀 大便必黑 時溇泄 此女勞疸非水也 腹滿者難治 消石礬石散治女勞疸方

消石 礬石 各半

右二味治下篩大麥粥汁服方寸匕日三  
重衣覆取汗病隨大小便出小便正黃大  
便正黑

黃疸之為病日晡所發熱惡寒小腹急身體  
黃額黑大便溏黑足下熱此為女勞腹滿者  
難治治之方

滑石 石膏 各等分

右二味治下篩以大麥粥汁服方寸匕日

三小便極利則瘥

千金翼方

雜方

書生丁季受殺鬼丸方

虎頭骨 炙 丹砂 真珠 雄黃 雌黃

鬼白 曾青 女青 皂莢 去皮 桔梗

蕪荑 白芷 芎藭 白朮 鬼箭 削取皮羽

鬼督郵 藜蘆 昌蒲 以上各二兩

右一十八味搗篩蜜和如彈丸大帶之男

左女右

劉次卿彈鬼丸方

雄黃 丹砂各二兩 石膏四兩 烏頭 鼠負各一兩

右五味以正月建除日執厭日亦得擣爲散白蠟五兩銅器中火上消之下藥攪令凝丸如棟實以赤穀裹一九男左女右肘後帶之

度瘡散方

麻黃去節 升麻 附子炮去皮 白朮各一兩 細辛

乾薑 防已 防風 桂心 烏頭炮去皮

蜀椒汗 桔梗各二分

右一十二味擣篩爲散密貯之山中所在有瘴氣之處旦空腹飲服一錢七覆取汗病重稍加之

老君神明白散方○無求子活人書辟疫癘

南陽活人書同

白朮南陽活人書一分一本一錢 附子炮去皮 桔梗南陽

活人書 細辛 兩各一 烏頭 炮去皮 四兩

白五味 煎搗篩絳囊盛帶之所居閣里皆

無病若有得疫者温酒朝南陽活人書永類方作服

一方寸匕覆取汗得吐即差或經三四日

者以三方寸匕內五升水中煮令沸分温

三服○時後方老君神明白散术一兩附

子三兩烏頭四兩桔梗二兩半細辛一兩

搗篩正旦服一錢匕一家合藥則一里無

病此帶行所遇病氣皆消若他人有得病

者便温酒服之方寸匕亦得病已四五日

以水三升煮散服一升覆取汗出也運化

玄樞春分後擇吉日宜服神明散其方用

蒼朮桔梗各二兩附子二兩炮烏頭四兩

炮細辛一兩同搗爲末絳囊盛之一人帶

一家無病有染時氣者新汲水調方寸匕

服之取汗便瘥

務成子螢火丸主辟疾病惡氣百鬼虎狼蛇

虺蜂蠆諸毒五兵白刃盜賊凶害昔冠軍將

軍武威太守劉子南從尹公受得此方以永  
 平十二年於北界與虜戰敗績士卒略盡子  
 南被圍矢下如雨未至子南馬數尺矢輒墮  
 地虜以為神人乃解圍而去子南以方教子  
 及諸兄弟為將者皆未嘗被傷累世祕之漢  
 末青牛道士得之以傳安定皇甫隆隆以傳  
 魏武帝乃稍有人得之故一名冠軍丸一名  
 武威丸方

螢火 鬼箭 削取皮羽○無求子 蒺藜 各一

兩雄黃 紫黃 礬石 各二兩燒汁盡○  
 兩 殺羊角 鍛竈灰 鐵錘柄入鐵處 燒

各一兩半○南陽活人書一分半

右九味搗篩為散以雞子黃并丹雄雞冠  
 一貝和之如杏仁大作三角絳囊盛五丸  
 帶左臂若從軍繫腰中勿離身若家挂戶  
 上甚辟盜賊絕止也

禁温疫時行

禁時氣温疫病法 一日十禁自防雞 天封吾

以德地封吾以道吾奉天威取地武吾遇  
石石爛按癥癥散左達右貫貫骨達體追  
病所在何邪敢進進者斬死北斗七星飲  
汝血叱叱滅手下急急如律令

禁時氣法亦禁水沐浴身體九真行道邪氣

散當元氣洞達百邪消亡伏羲女媧五疽  
地主流入四肢主作千病萬病上氣虛寒  
皆以風邪鬼所為急按急按滅絕手下急  
急如律令

出病家門禁法從病家門出去門三步啣禁

一畫成湖再畫成海斬汝黃奴老古頭不  
得追吾天師祭酒之後急急如律令便以  
左手畫背後地因去勿反顧

禁疫鬼文 吾上知天文下知地理天地夫

人教吾禁名能禁疫鬼汝從東來名曰狗  
入人身中倚於心口神師呪汝汝自走汝  
從南來名曰羊入人身中倚於肝腸神師  
呪汝汝自亡汝從西來名曰雞入人身中

倚於皮神師呪汝汝自衰汝從北來名曰  
蛇入人身中倚於百脉神師呪汝汝自厄  
科斗七枚在吾目前口是天門不得枉開  
若唾東方甲乙木木折若唾南方丙丁火  
火滅若唾西方庚辛金金缺若唾北方壬  
癸水水竭若唾中央戊己土土裂六甲六  
乙疫鬼自出六丙六丁知鬼姓名六戊六  
己疫鬼自死六庚六辛知鬼東西六壬六  
癸疫鬼自死六亥六戌百鬼速出急急如

律令

禁時氣溫疫法

東方青溫吾肝中之氣南  
方赤溫吾心中之氣西方白溫吾肺中之  
氣北方黑溫吾腎中之氣中央黃溫吾脾  
中之氣五方五溫悉在吾身中不得動作  
卽歸在實急急如律令

度惡世禁法

東方青帝甲乙君南方赤帝  
丙丁君西方白帝庚辛君北方黑帝壬癸  
君中央黃帝戊己君千乘萬騎護衛吾身

前有萬石桃湯後有萬隊將軍主斬黃奴之鬼欲近我者吾祭酒父長甲母奇仲語我吾萬厄之中不近我急急如律令十一日

度惡世也

禁時氣却疫法

一日十念萬惡不近人也吾是天師祭酒

當為天師驅使頭戴日月北斗五星吾有乾靈之兵十萬人從吾左右前後吾有太上老君天地父母在吾身中左手持節右手持幢何鬼不役何神不走何邪不去何

鬼敢住急急如律令

禁時氣温疫法

吾頭戴朱雀足履玄武左

挾青龍右挾白虎前有萬石鑊湯後有虎賁猛士天騶甲卒在吾前後黃奴之鬼去我萬里急急如律令

又禁温疫法

存青龍白虎朱雀玄武逐後禁之

咄汝黃奴老

古知吾否吾初學道出於東方千城萬仞上紫宮靈鋼百鍊之劍利如鋒芒斬殺凶咎梟截不祥叱如黃奴老古先出有禮後



出斬你叱叱急急如律令

唾時行頭痛法 南越太公還故鄉壬申之

唾自有方神師所唾上白太一皇天使者  
督察不祥威若山海唾若雪霜當吾者死  
值吾者亡魃精魍魎自受其殃急急如律  
令

勅水逐鬼法 習習詳詳便生水光直符使

者住立水傍真正補虛邪氣消亡吾左手  
捉鬼右手持鉞斧斬鬼死急急如律令

禁唾惡鬼法

禁住亦得

吾從狼毒山中來飢食真

珠渴飲武都戎監一把冷水一盂口含五  
毒常與唾居但老君之唾唾殺飛鳥唾河  
則竭唾木則折唾左徹右唾表徹裏銅牙  
鐵齒嚼鬼兩耳速去千里不得留止急急  
如律令

禁病勅粉大法

禁住亦得

粉在紙中爲神粉舉手

以摩體百鬼走出精魅魍魎應聲散走出  
天皇老教我唾粉腹中跳跟五臟安穩錄

保三氣道保精神急急如律令

禁温鬼法 天門亭長外都使欲得九卿縛

鬼士非子法住左手持刀右手持斧斫黃

奴温病之鬼何不走去前出封候後出斫

頭急急如律令

千金月令

主一切傷寒 備預百要方 并天行時氣 方

甘草如中指長 炙

右細剉取童子小便一升和煎取七合空

心服日再服 衛生易 簡方同

主陰毒傷寒方右煮百合汁服之尤良○衛

生易簡方川百合二兩煮濃汁飲一升良

主天行方右取生牛蒡根搗取汁五大合空

腹分爲兩服服訖取桑葉一大把炙令黃

以水一升煮取五合去滓頓服暖覆取汗

無葉川桑枝

治陰傷寒桂枝湯方

桂心 芍藥 生薑 切各三兩 大棗 十二枚 破之

右切以水七升煮取棗爛去棗內藥又煮令微沸可三升分爲三服取汗無汗更進一服得汗卽止

治天行病大便澁硬妄語宜痢方

大黃 枳實 炙各四兩○肘厚朴 二兩

右剉以水四大升煮取一升二合分三服

肘後方分再服得通者止之

治天行五六日不退方

苦參 二兩 黃芩 三兩 生地黃 八兩

右剉以水八升煮取二升分再服

治百種天行方

柴胡 麻黃 去節各三兩 乾葛 黃芩 芍藥

石膏 碎以綿裹懸之 甘草 炙已上各二兩 豉心 一升 葱白 五

莖

右剉以水八升煮取二升半分三服蓋覆取汗如頰赤加升麻二兩犀角屑一兩得汗卽止不必盡藥

又方傷寒無問陰陽神驗方

大黃

二分

芒消

麻黃

去節各二分

甘遂

五兩

黃芩

黃連

各六分

杏仁

十七枚

熬去皮

巴豆

三枚

炒

去心研如麵

右剉搗為散蜜丸如梧桐子空腹飲下三

十三九忌甘草大豆醬冷水猪肉五日內

不得喫不差更服三兩服

又方右取皂莢一挺肥不蛀者燒令赤便搗

篩為散以冷水五合和頓服之陰陽傷寒

則以酒和服之

水解散主百種傷寒時疾方

柴胡

知母

瓜婁

青木香

升麻

茵陳

已上各四分

大黃

梔子仁

石膏

芒

消

各六分

黃芩

乾葛

各五分

枳殼

炒

藥

右搗篩為散空腹以冷水四大合和散一

匙調頓服以痢為度春夏用冷水秋冬用

暖水不退再服

海上仙方

傷寒咳嗽

傷寒咳嗽夜無眠半夏橘紅用姜煎研爛白  
礬蜜調下咽喉數服無粘涎

急傷寒

急傷寒氣聽人言此病難醫聖志傳半夏酒  
煎姜共處時間服了便依然

乍寒乍熱

乍寒乍熱最淹延此病方知吾道傳道上喜  
蛛尋數箇將來繫住脉門邊

傷寒

傷寒忽覺甚半兩好茱萸煎水空心服所患  
當時除

聖惠方一

傷寒三陰三陽應用湯散諸方

桂枝湯方

桂枝兩赤芍藥兩甘草半兩炙

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

桂枝附子湯方

桂枝一兩附子一兩炮裂去皮臍赤芍藥一兩甘草半兩

炙微赤剉

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

桂枝芍藥湯方

桂枝一兩赤芍藥一兩人參一兩去蘆頭甘草半兩

炙微

赤剉

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

桂枝麻黃湯方

桂枝一兩麻黃一兩去根節赤芍藥一兩杏仁一兩

去皮尖雙人甘草半兩炙微赤剉

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

桂枝人參湯方

桂枝二兩人參一兩去盧頭白朮一兩乾薑一兩炮裂到

甘草一兩炙微赤到

右件藥擣篩為散每服三錢以水一中盞煎至五分去滓不計時候溫服

麻黃湯方神巧萬全方太陽病脈浮緊無汗發熱身疼八九日不解服湯已發

煩必劍宜服之

麻黃二兩去根節桂枝一兩杏仁一兩湯浸去皮尖雙人麩炒微

黃甘草半兩炙微赤到

右件藥擣篩為散每服四錢以水一中盞

入生薑半分棗三枚煎至五分去滓不計

時候溫服

麻黃附子湯方

麻黃二兩去根節附子一兩炮裂去皮臍甘草半兩炙微赤到

右件藥擣篩為散每服四錢以水一中盞

入生薑半分棗三枚煎至五分去滓不計

時候熱服

木附湯方

白木一兩附子一兩炮裂去皮桂枝一兩甘草半兩

赤

右件藥擣篩為散每服四錢以水一中盞

入生薑半分棗三枚煎至五分去滓不計

時候溫服

小柴胡桂枝湯方

柴胡一兩桂枝一兩黃芩一兩人參一兩去半

夏一兩湯洗赤芍藥甘草半兩炙到

夏七徧去滑

右件藥擣篩為散每服四錢以水一中盞

入生薑半分棗三枚煎至五分去滓不計

時候熱服

大柴胡湯方

柴胡二兩枳實半兩炒微黃黃芩一兩赤芍藥一兩

半夏一兩湯洗七徧去滑

右件藥擣篩為散每服四錢以水一中盞

入生薑半分棗三枚煎至五分去滓不計

時候熱服



小柴胡湯方

柴胡二兩 黃芩一兩 人參一兩 去一兩 半夏一兩 湯洗

七遍 甘草半兩 炙赤 剉

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

葛根湯方

葛根二兩 麻黃二兩 去根節 赤芍藥一兩 桂心一兩

甘草半兩 炙赤 剉

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

葛根半夏湯方

葛根二兩 半夏一兩 湯洗

桂心一兩 甘草半兩

炙赤 剉 麻黃一兩 去根節 赤芍藥一兩

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

時

半夏湯方

半夏一兩湯洗桂心一兩甘草半兩炙

右件藥搗篩為散每服五錢以水一中盞

入生薑半分棗三枚煎至五分去滓不計

時候溫服

厚朴湯方

厚朴二兩去麤皮塗生薑汁炙令香熟

半夏二兩湯洗人參一兩去蘆頭甘草二兩炙

右件藥搗篩為散每服四錢以水一中盞

入生薑半分煎至五分去滓不計時候溫服

葛根黃連湯方

葛根二兩黃連半兩去鬚黃芩一兩甘草半兩炙

右件藥搗篩為散每服四錢以水一中盞

煎至五分去滓不計時候溫服

神丹丸方

神丹丸方神功萬全方張仲景說發汗冬及方大寒時氣病宜用之發汗

朱砂一兩細研附子一兩半炮川烏頭一兩

半炮裂去皮臍半夏一兩湯洗赤茯苓一人參一兩

右件藥搗羅為末鍊蜜和丸如梧桐子大每服以生薑湯下五丸良久喫熱粥一盞投之以得汗為度

瓜蒂散方通真子傷寒括要少陰病其人飲食則吐心中溫溫欲吐復不能吐手足寒脈弦遲此胃中實不可下當服必愈

瓜蒂兩赤小豆四兩

右件藥搗細羅為散每服二錢以溫水調

服藥下便卧即當有吐候食頃若不吐即再服之如更不吐即增藥服之以吐為度止出青黃如菜汁者為佳若吐少病不除者次日如前法更服可至再三不令虛也藥力過時不吐即服熱湯一盞以助藥力若服藥過多者飲冷水解之神巧萬全方同

甘遂散方一名水導散

甘遂半兩煨白芷半兩

右件藥搗細羅為散每服一錢以溫水調

服

蒸法出汗

神巧萬全方此法如月先服發汗藥仍針不得汗穴相兼用之經曰

凡難得汗者可蒸之如中風法蒸濕之氣於外迎之不得不汗出也右以薪

火燒地良久掃去火微用水灑地取蠶沙

桃葉栢葉糖及麥麩等皆可用之鋪著地

上令厚二三寸布席卧上蓋覆以汗出為

度不得過熱當審細消息汗出周身便住

良久不止後以粉粉之勿令汗出過多也

傷寒活人書傷寒指掌圖同○得效方以薪火燒地良

久掃除去火可以水洒之取蠶沙栢葉桃

葉糖麩皆可用相和鋪燒地上可側手厚

上鋪草蓆令病人當上臥温覆之夏月熱

只巾單覆之汗移時立至俟周身至脚心

自汗熱熱乃用温粉撲止汗移上床最得

力者蠶沙桃葉栢葉也無蠶沙亦得單桃

單栢葉亦得蒹藿葉亦可用麩糖乃助添

令隨多少不用亦得此極急則可如治病

得愈明年斯時慎莫再作再作或不治矣

六味青散方 神巧萬全方仲景又云春末及夏始秋時可用青散方發汗予

辨此方中風傷寒俟宜用之發汗

川烏頭 壹兩炮裂去皮臍 桔梗 一兩去蘆頭 白朮 一兩附

子 壹兩炮裂去皮臍 防風 一兩去蘆頭 細辛 壹兩

右件藥擣細羅為散每服二錢以生薑湯調服服藥後食頃不汗出者飲稀粥一盞以發之暖覆汗出漿漿可也勿令流離汗出若汗大出不止者溫溫粉之如未得汗者當更服之以得汗為度

大青龍湯方

麻黃 二兩去根節 桂心 壹兩 杏仁 壹兩湯浸去皮尖雙入麩炒微

黃石膏 二兩

右件藥擣篩為散每服四錢以水一中盞入生薑半分棗三枚煎至五分去滓不計時候溫服

小青龍湯方

麻黃 二兩去根節 赤芍藥 壹兩 細辛 壹兩 桂心 壹兩 五味子 壹兩

乾薑 壹兩炮裂 半夏 壹兩湯洗七遍去滑

右件藥搗篩為散每服四錢以水一中盞煎至五分去滓不計時候溫服

橘皮湯方

通真子傷寒括要太陽病不解心煩下痢十餘行而自止所以止者

皆脾家實腐穢已去或也虛煩病若嘔者並宜服之

陳橘皮

壹兩湯浸生薑兩

右件藥細剉和勻分為四服每服以水一中盞煎至六分去滓不計時候溫服

竹葉湯方

竹葉

每服入二七片細切

石膏兩 麥門冬

二兩半夏去心

壹兩湯洗七徧去滑

人參

壹兩去蘆頭

甘草

壹兩炙微赤剉

右件藥搗篩為散每服四錢以水一中盞入生薑半分煎至五分去滓不計時候溫服

五苓散方

赤茯苓

壹兩

猪苓

壹兩去黑皮

白朮

壹兩

澤瀉

壹兩桂

心

壹兩

右件藥搗篩為散每服四錢以水一中盞入生薑半分棗三枚煎至五分去滓不計

時候熱服以汗出為度

茯苓湯方

赤茯苓壹兩桂心壹兩甘草半兩炙

右件藥搗篩為散每服四錢以水一中盞

入生薑半分棗三枚煎至五分去滓不計

時候熱服

甘草桔梗湯方

甘草壹兩炙桔梗壹兩去

右件藥搗篩為散每服五錢以水一中盞

煎至五分去滓不計時候溫服

茵陳湯方

茵陳壹兩梔子壹兩川大黃壹兩剉

右件藥搗篩為散每服四錢以水一中盞

煎至五分去滓不計時候溫服

梔子湯方

梔子壹兩甘草壹兩炙

右件藥搗篩為散每服四錢以水一中盞

豆豉五十粒煎至五分去滓不計時候溫

服

瀉心湯方

川大黃一兩剉黃連半兩

右件藥並細剉和勻每服半兩以水一大

盞煎至五分去滓不計時候溫服

半夏瀉心湯方

神巧萬全方太陽病汗後胃不和心下痞堅乾噫食臭

半夏二兩湯洗黃芩一兩乾薑一兩剉人參

一兩去黃連一兩甘草半兩炙

蘆頭

右件藥擣篩為散每服四錢以水一中盞

入生薑半分棗三枚煎至五分去滓不計

時候溫服○通真子傷寒括要右為麤末

每服四錢水一盞半生薑五片棗二枚同

煎至六分去滓溫服不拘時候

乾薑湯方

薑乾一兩炮甘草一兩炙

右件藥擣篩為散每服三錢以水一中盞

煎至五分去滓不計時候溫服



昔苓湯方

昔苓兩一赤芍藥兩一甘草半兩炙

右件藥搗篩為散每服四錢以水一中盞煎至五分去滓不計時候溫服

拒党湯方

水蛭半兩微炒蠱蟲半兩微炒杏仁半兩湯浸去皮尖雙人麩炒微

黃川大黃壹兩剉碎微炒

右件藥搗篩為散每服三錢以水一中盞煎至五分去滓不計時候溫服

白虎湯方

知母兩二石膏兩三甘草壹兩炙微赤剉

右件藥搗篩為散每服五錢以水一大盞入粳米五十粒煎至五分去滓溫服

玄武湯方

赤茯苓兩壹赤芍藥兩壹附子壹兩炮裂去皮臍白朮兩壹

右件藥搗篩為散每服四錢以水一中盞入生薑半分棗三枚煎至五分去滓不計

時候熱服

建中湯方

桂心壹兩 白芍藥兩 甘草半兩炙

右件藥搗篩為散每服四錢以水一中盞入生薑半分棗三枝煎至五分去滓入飴半兩和勻不計時候熱服

龍骨牡蠣湯方

龍骨壹兩 牡蠣壹兩燒 桂心半兩 甘草半兩炙

右件藥搗篩為散每服三錢以水一中盞

煎至五分去滓不計時候溫服

四逆湯方

附子壹兩炮裂 乾薑壹兩炮 甘草壹兩炙

右件藥搗篩為散每服四錢以水一中盞入棗三枚煎至五分去滓熱服

當歸四逆湯方

當歸兩 桂心兩 細辛兩 白芍藥兩 木通半兩

甘草半兩炙

右件藥搗篩為散每服五錢以水一中盞

入生薑半分棗三枚煎至六分去滓不計時候溫服

桃人承氣湯方

桃人半兩湯浸去皮尖桂心半兩川大黃兩一  
劉碎雙人麩炒微黃甘草半兩炙  
微炒川芒消一兩甘草微赤劉  
右件藥搗篩為散每服四錢以水一中盞煎至五分去滓不計時候溫服

大承氣湯方

川大黃一兩劉厚朴半兩去麤皮塗生枳  
實半兩麩炒微黃川芒消一兩

實半兩麩炒微黃川芒消一兩

右件藥搗篩為散每服四錢以水一中盞煎至五分去滓不計時候溫服以利為度

小承氣湯方

川大黃一兩劉川芒消一兩甘草半兩炙

右件藥搗篩為散每服四錢以水一中盞煎至五分去滓不計時候溫服

桃花湯方

神巧萬全方通真子傷寒括要少陰病下利膿血者

桃花石二兩乾薑半兩粳米半合

右件藥以水一大盞煎至一大盞去滓分  
為二服食前服之萬全方又云其諸變動  
痢候取鑿治痢方相雜

之用

吳茱萸湯方

吳茱萸一兩湯浸七人參二兩去

右件藥搗篩為散每服三錢以水一中盞  
入生薑半分棗三枚煎至五分去滓不計

時候熱服

白通湯方

附子一兩炮裂乾薑一兩炮

右件藥搗篩為散每服四錢以水中盞入  
葱白二莖煎至五分去滓不計時候熱服

大陷胷湯方

川大黃一兩割川芒消一兩甘遂半兩煨

右件藥搗篩為散每服二錢以水一中盞  
煎至五分去滓不計時候溫服

小陷胷湯方

黃連一兩半半夏二兩湯洗菰蘆一枚

右件藥並細剉每服半兩以水一大盞入生薑半分煎至五分去滓不計時候溫服

治傷寒一日候方

夫傷寒一日太陽受病太陽者小腸巢氏病源膀胱

之經也為三陽之首故先受病其脉絡於腰

脊主於頭項故得病一日而頭項腰脊痛也

治傷寒一日太陽受病頭痛項強壯熱惡寒

宜服桂枝湯方

桂枝半兩附子半兩炮裂去皮臍乾薑半兩炮裂剉甘草

半兩炙麻黃一兩去

右件藥擣篩為散每服五錢以水一中盞

入葱白二莖煎至六分去滓不計時候稍

熱服如人行五里以稀葱粥投之衣蓋取

汗如未汗一依前法再服

治傷寒一日頭痛身體百節酸疼惡寒宜服

麻黃散方

麻黃壹兩去根節桂心三分甘草半兩炙杏仁三分

湯浸去皮尖雙附子三分炮裂芎藭壹兩赤

芍藥三分白朮三分

右件藥搗篩為散每服四錢以水一中盞  
入生薑半分棗三枚煎至六分去滓不計  
時候稍熱服如人行五六里再服厚覆取  
汗

治傷寒初患一日宜服解肌湯方

麻黃壹兩去根節甘草壹分炙赤芍藥半兩葛根  
壹兩石膏半兩桂心三分杏仁半兩湯浸去  
皮尖雙入麩  
黃炒微

右件藥搗篩為散每服四錢以水一中盞  
入生薑半分棗三枚煎至六分去滓不計  
時候稍熱服衣蓋以汗出為効

治傷寒初得一日壯熱頭目四肢疼痛宜服

細辛散方

細辛壹兩赤芍藥一兩桂心三分乾薑半兩炮附  
子半兩炮裂甘草半兩炙

右件藥搗篩為散每服四錢以水一中盞  
入生薑半分棗三枚煎至六分去滓不計

時候熱服良久喫葱粥投之衣盖出汗  
 治傷寒一日脉弦而數頭項腰脊痛身熱煩  
 滿不得睡臥宜服此方

麻黃 一兩去根節 乾薑 半兩炮裂剉 石膏 壹兩

右件藥擣節為散每服五錢以水一大盞  
 入豉半合葱白二莖煎至五分去滓不計  
 時候稍熱頻服衣盖出汗

治傷寒一日壯熱頭痛惡寒宜服桔梗散方

桔梗 壹兩去蘆頭 細辛 半兩 川烏頭 壹兩炮裂剉 麻

黃 半兩去根節 白朮 半兩 防風 半兩去蘆頭 桂心 一兩 乾

薑 半兩炮裂剉 吳茱萸 一分湯浸七遍焙乾微炒

右件藥擣細羅為散每服不計時候以温  
 酒調下二錢衣盖出汗如未汗出即再服  
 之

治傷寒一日頭痛壯熱煩悶其脉洪數宜服  
 人參散方

人參 半兩去蘆頭 桂心 三分 赤芍藥 半兩 白朮 半兩 乾

薑 半兩炮裂剉 麻黃 二分去根節 甘草 一分炙微赤剉

右件藥搗篩為散每服四錢以水一中盞煎至六分去滓不計時候溫服併四五服汗出効

治傷寒一日頭痛壯熱心神煩悶宜服石膏飲子方

石膏一兩搗碎柴胡半兩去苗豉一分微炒麻黃一兩去根節

葱白二薄荷一分

右件藥細剉都以水二大盞煎至一盞三分去滓不計時候稍熱分為三服如人行

三二里相續服盡厚蓋取汗

治傷寒一日邪毒氣在皮膚肌肉宜服解肌湯方

麻黃半兩去根節桑根白皮半兩赤芍藥一分梔

子人一分前胡一分蘆頭一分去甘草一分炙杏仁一分

湯浸去皮尖雙桂心一分

右件藥搗篩為散每服五錢以水一大盞入生薑半分煎至五分去滓不計時候稍熱頻服以厚衣蓋出汗



治傷寒初覺頭痛膈上痰壅宜服前胡散方

前胡一兩去蘆頭人參一兩去蘆頭細辛半兩陳橘皮

一兩湯浸桂心壹兩赤茯苓壹兩附子二兩炮去白

臍去白訶梨勒壹兩半甘草壹分炙微赤剉

右件藥擣篩為散每服五錢以水一中盞

入生薑半分棗三枚煎至六分去滓不計

時候溫服

治傷寒初覺一日頭項腰脊痛惡寒麻黃散

方

麻黃半兩去根節乾薑半兩炮裂葱白三莖豉一合

右件藥細剉以水二大盞煎至一盞三分

去滓不計時候稍熱分為三服衣蓋出汗

治傷寒初得一日壯熱頭項腰脚疼痛宜服

此方

麻黃壹兩去根節葛根壹兩剉柴胡壹兩去苗赤芍藥

三分桂心三分石膏壹兩

右件藥擣篩為散每服五錢以水一大盞

入豉半合椒二七粒葱白二莖薄荷二十

葉煎至六分去滓不計時候稍熱服服藥後喫葱豉粥投之以衣蓋出汗

治傷寒初覺增寒壯熱頭痛口苦宜服此方

桂心壹兩赤芍藥兩一甘草三分炙

右件藥搗篩為散每服五錢以水一大盞入生薑半分棗三枚煎至五分去滓不計時候稍熱服須臾喫葱豉粥投之衣蓋取

汗未汗即再服

治傷寒一日頭痛項強上連風府壯熱增寒

體痛口苦宜服知母散方

知母一分麻黃半兩去根節乾薑半兩炮裂葱白四莖

半合

右件藥細剉和勻分為二服每服以水一大盞煎至五分去滓不計時候稍熱服之衣蓋取汗未汗即再服

治傷寒一日初覺頭痛惡寒壯熱腹內熱脉

洪大宜服葛根湯方

葛根壹兩葱白五莖豉一合柴胡半兩去苗生薑壹兩黃

芩兩半

右件藥都細剉以水三大盞煎至一盞五分去滓不計時候稍熱分為三服如人行五里再服衣蓋取汗

又方麻黃

壹兩去根節剉

附子

半兩炮裂去皮臍剉

生薑

半兩切

葱白

五莖切

豉

一合

右件藥都以水二大盞煎至一盞一分去滓不計時候稍熱分為三服如人行五里再服衣蓋出汗

治傷寒一日頭痛徧身壯熱時惡寒宜服

發汗神丹丸方

人參

一兩去蘆頭

川烏頭

一兩炮裂去皮臍

半夏

三分湯洗

七徧去滑

赤茯苓

壹兩

朱砂

半兩細研水飛過

右件藥擣羅為末鍊蜜和擣百餘杵丸如梧桐子大每服不計時候以生薑湯下十丸良久喫葱豉粥投以衣覆取汗未汗即再服

治傷寒一日壯熱頭痛其背惡寒者宜服附

子湯方

附子一兩炮裂去皮臍 赤茯苓半兩 赤芍藥兩 人參

半兩去蘆頭 白朮半兩 桂心兩

右件藥搗篩為散每服五錢以水一大盞入生薑半分棗三枚煎至五分去滓不計時候溫服

治傷寒一日壯熱頭痛先宜煎蒴藿湯淋背發汗方

蒴藿五兩 槐枝兩 柳枝兩 桃枝兩 構葉兩 豉兩

一升 葱白十莖

右件藥細剉以水三斗煎取二斗去滓於無風處看冷煖淋背訖便喫葱豉粥了以衣蓋取汗

治傷寒初得一日壯熱頭痛宜服葱豉湯方

葱白三莖切 麻黃一兩去根節 豉一合 生薑半兩

右件藥以水二大盞煎至一大盞三分去滓不計時候稍熱分為三服頻服衣覆出汗

治傷寒一日服葱豉湯不得汗宜服此方

葛根壹兩葱白三莖豉一合

右件藥都以水二大盞入生薑半兩同煎至一盞三分去滓不計時候稍熱分為三服頻服衣蓋取汗

治傷寒初得一口在皮膚頭痛項強四肢煩

疼宜用青膏方

當歸三兩芎藭三兩川椒三兩吳茱萸三兩

白芷三兩附子三兩川烏頭三兩

莽草二兩

右件藥細剉以醇酒浸之良久漉出以鍊成猪脂四斤煎至藥色黃絞去滓不計時候以溫酒服如半棗大日三服稍稍增之若頭項強即摩之

治傷寒一日勑色頭痛頸項強直賊風所中

宜用黃膏方

川大黃半兩附子半兩細辛半兩乾薑半兩

川椒半兩桂心半兩巴豆二十粒

右件藥細剉以醋浸一宿漉出以臘月猪  
脂一斤煎之附子色黃卽止濾去滓瓷合  
中盛之傷寒勑色發熱酒服一九如梧桐  
子大又以摩身數百徧兼治賊風及毒風  
走注肌膚之間隨風所在摩之甚良

治傷寒一日勑色惡寒肢節疼痛并療惡瘡  
小兒頭瘡牛頭馬鞍瘡癰腫摩之皆差宜用

白膏方

天雄三兩去皮臍生用 川烏頭三兩去皮臍生用 莽草三兩

躑躅花三兩

右件藥以酒三升浸一宿漉出用鍊了猪  
脂三斤與藥處於銅器中文火煎令諸  
藥焦黃色卽膏成去滓以瓷器中盛有患  
者摩之百徧卽藥力行如傷寒咽痛含如  
棗核大日三嚥之差其膏不可近日

治傷寒二日候諸方

夫傷寒二日陽明受病陽明者胃之經也主  
於肌肉其脉絡於鼻人於日故得病二日肉

熱鼻乾不得眠也諸陽在表表始受病在於皮膚之間故可摩膏火灸發汗而愈也

治傷寒二日陽明受病陽明者主於肌肉其氣往來寒熱鼻乾不可眠卧面赤身熱有此病證宜服桂枝附子湯方

桂枝一兩附子一兩炮裂去皮臍甘草半兩炙赤芍微赤

藥兩半

右件藥搗篩為散每服三錢以水一中盞入生薑半分棗三枚煎至六分去滓不計

時候稍熱頻服汗出即愈

治傷寒二日頭痛鼻乾面赤壯熱四肢煩疼

宜服人參散方

人參三分去蘆頭訶梨勒皮三分乾薑一分炮剉桂

枝三分赤茯苓一分附子三分炮裂去皮臍甘草一分炙微

剉赤

右件藥搗篩為散每服三錢以水一中盞煎至六分去滓不計時候溫服頻服之汗出差

治傷寒二日頭痛發熱煩悶宜服麻黃湯方

麻黃一兩去根節 桂心二分 石膏二分 黃芩半兩 甘草

一分炙 赤芍藥兩半 杏仁二升一 雙人一枚湯去 微赤剉

黃

右件藥擣篩為散每服四錢以水一中盞

入生薑半分煎至六分去滓不計時候稍

熱頻服汗出愈

治傷寒二日頭痛壯熱骨節煩疼宜服解肌

湯方

乾薑一兩炮裂剉 麻黃一兩去根節 赤芍藥三分 黃芩

三分 石膏兩一

右件藥擣篩為散每服五錢以水一大盞

入葱白二莖豉半合煎至五分去滓不計

時候稍熱服如人行三五里再服汗出差

治傷寒二日皮膚頑痛項強四肢煩疼宜服

吳茱萸散方

吳茱萸一兩湯浸七 當歸一兩剉 芎藭一

附子一兩炮裂 白芷兩一 川烏頭一兩炮裂



麻黃 二兩去根節 川椒 一兩去目及閉口者微炒去汗

右件藥搗篩為散每服五錢以水大盞入生薑半分棗三枚煎至七分去滓不計時候稍熱分為二服頻服以衣覆取汗出差治傷寒二日頭項強四肢煩疼宜服荆芥散

方

荆芥 兩 附子 一兩炮裂去皮臍 前胡 兩 麻黃 二兩去根  
節 甘草半兩炙 白朮 兩 人參 一兩去頭 蘆 兩 陳楠 皮一兩湯浸白煎焙

右件藥搗篩為散每服四錢以水一中盞入生薑半分棗三枚煎至六分去滓不計時候稍熱服以衣覆出汗

治傷寒二日不解宜服發汗白薇散方

白薇 兩半 麻黃 壹兩半去根節 貝母 三分炙 杏仁 三分湯浸去皮尖雙 人參 微黃

右件藥搗搗羅為散每服不計時候以溫酒服二錢衣蓋出汗愈

治傷寒二日頭項四肢煩熱疼痛宜服柴胡

散方

柴胡一兩去苗 人參一兩去蘆頭 甘草一兩炙 麻黃一兩去節 黃芩一兩 赤芍藥一兩 桂心一兩 石膏二兩 葛根壹兩

右件藥搗篩為散每服四錢以水一中盞入生薑半分棗三枚煎至六分去滓不計時候稍熱服以衣蓋取汗如人行五里未汗再服

治傷寒二日心中悸而煩者宜服建中湯方

桂心壹兩 甘草壹兩炙 白芍藥壹兩 桔梗壹兩

頭人參壹兩 白朮壹兩 陳橘皮壹兩 厚朴壹兩 薑汁壹兩 炙令香熟

右件藥搗篩為散每服四錢以水一中盞入生薑半分棗三枚煎至六分去滓不計時候溫服

治傷寒二日頭疼壯熱發表附子散方

附子壹兩 桂心壹兩 麻黃壹兩 白朮壹兩 吳茱萸壹兩 煨乾微炒

右件藥搗羅為散每服二錢以水一中盞入生薑半分棗三枚煎至六分去滓不計時候熱服宜頻服令有汗出即差

治傷寒二日發汗立効方

附子牛兩去皮臍 白附子一分半夏分半

右件藥並生搗細羅為散每服一錢以水一中盞入生薑半分煎至六分不計時候和滓熱服衣覆出汗

治傷寒二日痰逆頭疼四肢壯熱宜服半夏

散方

半夏一兩水煮一伏時 澤瀉一兩 桂心一兩 乾薑一分

炮裂 甘草一分炙 剉微赤剉

右件藥搗細羅為散每服一錢以水一中盞入生薑半分煎至六分不計時候和滓熱服

治傷寒二日頭痛壯熱宜服走馬散方

草烏頭半兩燒 桂心半兩 硫黃半兩細碎

右件藥搗細羅為散每服一錢以水一中

盞入生薑半分煎至六分不計時候和滓  
稍熱頓服蓋覆汗出差

治傷寒二日頭痛腰背強硬憎寒壯熱徧身  
疼痛宜服霹靂散方

大黑附子 一枚入急火內燒唯存心少多在臨出火時使用瓦器合蓋不

令去却煙焰

右擣細羅為散每服一錢不計時候以熱  
酒調下汗出立差

治傷寒三日候諸方

夫傷寒三日足少陽受病少陽者膽之經也  
其脉循於脇上於頭耳故得病三日胃脇熱  
而耳聾也三陽經絡始相傳病未入於藏可  
汗而解也

治傷寒三日不解頭痛肌肉熱宜服麻黃散方

麻黃 一兩去根節 甘草 半兩炙 葛根 一兩剉 厚朴

一兩去麤皮塗生薑汁炙令香熟

右件藥擣篩為散每服四錢以水一中盞  
入生薑半分煎至六分去滓不計時候稍

熱頻服衣蓋汗出差

治傷寒病三日腹痛小便不利而嘔者屬少陽病證宜服赤茯苓散方

赤茯苓一兩 赤芍藥兩半 白朮兩半 附子兩半  
裂去皮  
臍乾薑兩半 炮裂剉

右件藥搗篩為散每服三錢以水一中盞入生薑半分煎至五分去滓不計時候溫服

治傷寒已經三日不得汗頭痛發熱宜服石

膏散方

石膏二兩 桂心兩一 麻黃兩一 杏仁二十枚  
湯浸去

皮尖雙 黃芩兩一 甘草兩一 赤芍藥兩一  
微赤剉

白朮兩壹 芍藥兩壹 香附子兩壹

右件藥搗篩為散每服五錢以水一大盞入生薑半分煎至六分去滓不計時候分為二服

治傷寒三日欬嗽胃膈不利四肢煩疼壯熱頭痛宜服細辛散方

細辛壹兩 麻黃壹兩 葛根三分 荆芥壹兩 白

木壹兩 赤芍藥壹兩 紫苑三分 桔梗壹兩 去

桂心兩壹 甘草三分 五味子三分

右件藥擣麤羅為散每服三錢以水一中

盞入生薑半分棗三枚煎至六分去滓不

計時候溫服

治傷寒已經三日頭疼壯熱不解欬嗽痰逆

宜服丁香散方

丁香 前胡 附子炮裂去皮臍 麻黃去根節 白

木 細辛 桂心 甘草炙微赤剉已

右件藥搗細羅為散每服二錢以水一中

盞入生薑半分棗三枚煎至六分去滓不

計時候熱服

治傷寒三日壯熱不解發汗香豉粥方

麻黃一分 葛根一分 梔子一分 石膏半兩 荆

芥兩半 生薑一分 豆豉一分 糯米一分

右件藥細剉以水三大盞先煎麻黃等七

味至一盞半去滓下米煮作稀粥不計時

候服之衣蓋出汗差

治傷寒三日雖發汗後頭痛壯熱未得全解  
毒氣猶盛宜服石膏散方

石膏一兩 薺芎一兩 葛根一兩 黃芩三分 麻黃三分

去根節 甘草半兩炙

右件藥擣節為散每服五錢以水一大盞  
煎至六分去滓不計時候溫服

治傷寒三日不得汗煩熱悶亂宜服麻黃散  
方

麻黃二兩去根節 葛根二兩 桂心一兩 豉二合 赤芍藥

一兩 石膏二兩擣碎

右件藥剉剉和勻每服半兩以水一大盞  
入生薑半分棗三枚煎至五分去滓不計  
時候熱服便喫葱粥投之衣覆取汗如未  
汗出即再煎服之

治傷寒三日不得汗四肢不利宜服通關散  
方

附子一顆炮裂去皮臍 乾薑半兩炮裂剉 桂心一分 麻黃

壹分去

右件藥擣麤羅為散每服四錢以水一中盞入葱白二莖煎至五分去滓不計時候熱服

治傷寒三日頭痛壯熱四肢不利宜服正陽丹方

太陰玄精兩消石兩硫黃兩礪砂兩壹  
右都細研入甕瓶子中固濟以火半斤於  
瓶子周一寸煖之約近半日候藥青紫色

住火待冷取出用臘月雪水拌令勻濕入  
瓷罐中堂屋後北陰下陰乾又入地埋二  
七日取出細研以麵糊和為丸如雞頭實  
大先用熱水浴後以艾渴研下一丸以衣  
蓋汗出為度

治傷寒三日服藥之後不得汗宜用蒸法見方  
前

治傷寒四日候諸方

夫傷寒四日太陰受病太陰者脾之經也為



三陰之首是故三日已後巢氏病源已前陽受病訖傳之於陰而太陰受病焉其脉絡於脾主於喉咽故得病四日腹滿而咽乾也其病在胃膈故可吐而愈也

治傷寒四日太陰初受病宜服恒山散吐之方

恒山參分甘草參分鼈甲參分塗醋炙石膏  
柴胡參分知母參分  
右件藥擣篩為散每服三錢以水一中盞

入淡竹葉十片聖濟總錄煎至六分去滓  
不計時候溫溫服之當吐頑涎後却服和氣治中湯上之

治太陰初受病服恒山散吐後宜服和氣治中湯方

人參半兩去蘆頭藿香半兩白朮參分甘草半兩炙  
乾薑壹分炮白茯苓壹分陳橘皮參分湯浸去白瓢焙  
右件藥擣羅為細散每服二錢以水一中盞入生薑半分煎至五分即去生薑和滓

不計時候溫服

治傷寒四日吐後或壯熱頭疼身體酸疼口  
苦心煩宜服麻黃散方

麻黃參分去根節 葛根參分 柴胡壹兩 知母參分

赤芍藥壹兩 梔子參分 石膏壹兩 陳橘皮兩

湯浸去白瓢焙 生乾地黄壹兩

右件藥擣篩為散每服四錢以水一中盞  
入生薑半分煎至六分去滓不計時候溫  
服

治傷寒四日頭痛背膊急疼心腹壅滯宜服  
柴胡散方

柴胡一兩半 川大黃一兩到碎微炒 恒山一兩半 茵

陳壹兩 知母兩 赤芍藥兩 甘草一兩炙微赤 鼈甲

一兩半塗醋炙令微黃去裙襴

右件藥擣篩為散每服五錢以淡漿水一  
大盞煎至六分去滓不計時候溫服以微  
吐為度未吐再服

治傷寒四日嘔噦類煩頭疼大渴此證是脾

胃痰滯宜服半夏湯方

半夏 三分湯洗 甘草 半兩炙 人參 一兩去蘆頭

厚朴 一兩去麤皮塗生薑汁炙令香熟

右件藥擣篩為散每服三錢以水一中盞

入生薑半分煎至五分去滓不計時候

熱服

治傷寒四日脉浮大發熱惡寒身體疼痛無

汗為煩者宜服大青龍湯方

麻黃 二兩去根節 桂心 一兩 甘草 一兩炙 石膏 二兩

杏仁 參十枚湯浸去皮尖雙人麩炒微黃

右件藥擣篩為散每服四錢以水一中盞

入生薑半分煎至六分去滓不計時候溫

服

治傷寒四日因下後大渴服冷藥過多喘急

者陰盛故也宜服小青龍湯方

桂心 壹兩 五味子 半兩 麻黃 壹兩去根節 白芍藥 壹兩

細辛 參分 乾薑 參分炮 甘草 壹兩炙 杏仁 十二枚湯浸去皮尖

雙人麩炒微黃 半夏 七分 湯洗

右件藥搗篩為散每服四錢以水一中盞  
人生薑半分煎至六分去滓不計時候溫  
服

治傷寒四日雖經發汗後心胃不利頭目多  
疼胃氣不和少思粥食宜服前胡散方

前胡半兩去蘆頭 半夏壹分湯洗七徧去滑 甘草半兩炙  
桂心半兩 人參半兩去蘆頭 赤茯苓兩 白芷壹分 白  
朮半兩 乾薑壹分炮 當歸半兩炒 葛根半兩  
柴胡半兩去苗 陳橘皮半兩湯洗 木香兩 旋復

花半兩

右件藥搗篩為散每服四錢以水一中盞  
入生薑半分棗三枚煎至六分去滓不計  
時候溫服

治傷寒四日腹脇脹滿心胃不利四肢疼痛  
欬惡寒喘急壯熱宜服白朮散方

白朮壹分 前胡壹分去蘆頭 葛根壹分 桑根白皮  
川升麻兩 赤芍藥兩 石膏壹兩半 神巧萬全  
方壹兩 荆芥南 子芩分

右件藥搗篩為散每服五錢以水一中盞  
入生薑半分豉五十粒煎至五分去滓不  
計時候溫服

治傷寒四日煩熱不解大小腸澀宜服朴消  
散方

川朴消參分犀角屑三分梔子人兩半赤芍藥三分  
黃芩參分陳橘皮三分湯浸去白瓢焙川大黃參分剉碎微炒  
柴胡一兩去苗  
右件藥搗篩為散每服四錢以水一中盞

入淡竹葉三十片生薑半分煎至六分去  
滓不計時候溫溫頻服以利為度  
治傷寒四日頭重身強腰脊痛宜服葛根散  
方

葛根一兩判甘草一兩炙微赤剉桂心一兩大青一分黃  
芩兩半石膏兩赤芍藥參分麻黃二兩去根節  
右件藥搗篩為散每服四錢以水一中盞  
入生薑半分棗三枝煎至六分去滓不計  
時候溫服

治傷寒四日煩熱不解大小腸祕澀宜服犀角散方

犀角屑參分黃芩一兩柴胡一兩梔子人兩地

骨皮二分川大黃一兩半剉川朴消一兩木通

剉參分

右件藥搗篩為散每服四錢以水一大盞煎至五分去滓不計時候溫服微利為度

治傷寒四日頭痛背膊急悶骨節煩疼心躁口乾宜服茵陳散方

茵陳一兩柴胡一兩甘草半兩赤芍藥參分

防風參分附子一兩炮裂去皮臍

右件藥搗篩為散每服四錢以水一中盞入生薑半分煎至四分去滓不計時候溫服

治傷寒四日未經吐宜服瀉心湯方

川大黃二兩剉微炒黃連一兩黃芩一兩附子一兩

炮裂去皮臍

右件藥搗麤羅為散每服三錢以水一中

蒸煎至六分去滓不計時候溫服

治傷寒四日三陰受病其脉浮而滑腹滿口熱舌乾而渴大便不利宜服三黃散方

黃芩一兩 梔子人兩 川大黃一兩半 剉碎微炒

右件藥搗篩為散每服四錢以水一中盞入竹葉三七片朴消末二錢煎至六分去

滓食前溫服大便利即藥止未利再服

治傷寒四日毒氣入胃喉中閉悶宜服吐痰散方

瓜蒂一分 丁香一分 赤小豆半合 炒熟

右件藥搗細羅為散每服以溫水調二錢

聖濟總錄 一錢匕 空腹服之當吐後便可喫葱豉粥補之

治傷寒汗出不歇已三四日胷中惡但欲吐宜吐之方

豉二合 鹽半兩 蜜壹合

右件藥以水一大盞煎至七分去滓空腹頓服之良久當吐如人行十里未吐再服

又方苦參半兩甘草壹分生赤小豆三七粒炒熟

右件藥以水一大盞煮取半盞去滓空心都作一服服之當吐吐不差者更以苦參一兩生地黃三兩別以水二大盞煎至一盞分再服甚者作葱豉粥投以吐出毒為度

治傷寒四日寒熱不退頭痛百節煩疼此毒

風在胃中宜吐松蘿散方

松蘿半兩川升麻壹兩甘草一兩生用恒山半兩

右件藥搗篩為散每服五錢以水一大盞煎取七分入茶末二錢更煎一兩沸去滓空腹溫服如未吐相去如人行三四里再服以吐為度

治傷寒四日已嘔吐更宜吐方

苦參末二錢

右以溫酒五合調服之得吐即差方後同

治傷寒四日心胃中滿悶取吐方

猪膽壹枚取汁



右以醋一小盞酒一小盞內猪膽汁相和  
溫過分為二服當吐之差

治傷寒五日候諸方

夫傷寒五日少陰受病少陰者腎之經也其  
脉貫於腎絡於舌巢氏病源其脉貫腎絡於舌故得病  
五日口熱舌乾渴而引飲也其病在腸巢源在腹  
故可下而愈也

治傷寒五日舌乾而渴煩熱不解大小腸皆  
澀宜服柴胡湯方

柴胡壹兩 犀角屑一兩 赤芍藥叁分 黃芩壹兩 梔

子人十四枚 川大黃壹兩剉 川朴消壹兩

右件藥擣篩為散每服四錢以水一中盞  
入竹葉二七片煎至六分去滓不計時候  
溫服如人行四五里再服以利為度

治傷寒五日頭痛目眩大渴飲水口乾小便  
不利增寒壯熱腿膝酸疼不可忍宜服猪苓  
散方

猪苓壹兩去黑皮 赤茯苓一兩 白朮半兩 桂心半兩 澤

寫壹

右件藥搗細羅爲散每服不計時候以新  
及水調下二錢日三四服若嘔吐不可下  
食者服之亦効

治傷寒五日口熱舌乾頭痛脚脛酸疼四肢  
壯熱宜服麥門冬散方

麥門冬一兩 子芩三分 葛根一兩 前胡一兩  
頭知母三分 玄參兩半 赤芍藥三分 犀角屑兩半 檳榔分 甘草半兩 炙川升麻兩半

右件藥搗篩爲散每服四錢以水一中盞  
入生薑半分煎至六分去滓不計時候溫  
服

治傷寒五日熱在胷中不能言語者宜服麥  
奴丸方

麥奴兩一 川大黃一兩 碎微炒 川芒消兩一 竈下黃  
土兩一 黃芩兩一 麻黃節根 梁上塵兩一 釜底  
墨兩一

右件藥搗羅爲末鍊蜜和搗三二百杵丸

如彈子大每服不計時候以新汲水研下一丸

治傷寒五日發熱惡寒肢節煩疼微嘔吐心

下痞結外證未解柴胡桂枝湯方

柴胡二兩桂枝壹兩黃芩壹兩人參壹兩去甘

草壹兩炙半夏壹兩湯洗赤芍藥兩赤茯

苓兩厚朴壹兩薑汁炙令香煎

右件藥擣篩為散每服四錢以水一中盞入生薑半分棗三枚煎至六分去滓不計

時候溫服

治傷寒五日煩熱未退大小便澀宜服川大

黃散方

川大黃壹兩微炒黃芩兩赤芍藥兩知母兩

川升麻壹兩鼈甲壹兩塗醋炙赤茯苓兩梔

子人半兩柴胡壹兩去川朴消二兩

右件藥擣篩為散每服四錢以水一中盞入生薑半分煎至六分去滓不計時候溫服以大小便稍利為度

治傷寒五日不能言語熱在胃中宜服五聖丸方

犀角屑兩半麻黃兩半去根節 川大黃一兩剉微炒川

朴消兩一黃芩兩半釜下黃土兩半梁上塵兩半竈

突墨兩半

右件藥搗羅為末鍊蜜和搗三二百杵凡如彈子大每服不計時候以新汲水研服一丸如渴飲新汲水常有汗出良久未汗即更服一丸汗止熱退能語若小兒即量

力服之

治傷寒五日熱毒氣在藏令人心腹煩躁壅悶不得眠臥宜服此方

川大黃一兩剉微炒杏仁三分湯浸去皮尖枳

殼參分剉炒犀角屑三分甘草半兩炙令川

朴消兩一

右件藥搗篩為散每服四錢以水一中盞入生薑半分煎至五分去滓不計時候溫服取利為度如不利再服

治傷寒五日心腹壅滯煩熱不退宜服前胡散方

前胡一兩半去虛頭杏仁參分湯浸去皮尖川大

黃一兩判黃芩一兩川朴消一兩檳榔兩

右件藥搗篩為散每服四錢以水一中盞

入竹葉三七片煎至六分去滓不計時候

溫服取利為度如不利再服

治傷寒五日少陰受病口舌乾燥煩渴欲水

心膈不利大腸秘澀其脈滑者生小弱不足

者死若氣逆不順宜以檳榔散下之方

檳榔一牽半牛子一兩川大黃半兩青橘

皮半兩湯浸去白甄焙

右件藥搗細羅為散每服不計時候以溫

茶調下二錢良久喫薑粥投利一兩行自

止如未利再服

少陰病服檳榔散下之後宜服和氣白朮散

方

白朮半兩人參半兩去蘆頭枳殼半兩麩炒白茯苓

芩半兩厚朴半兩薑汁炙令香熟白芷半兩陳橘

皮半兩湯浸去白剉剉桂心半兩芍藥兩高良薑兩

剉甘草半兩炙剉

右件藥搗麤羅為散每服三錢以水一中

盞入葱白一莖煎至六分去滓不計時候

溫服

治傷寒五日但通髓熱面如桃花皮膚乾燥

無潤澤口乾渴此名陽氣攻胃大腸結滯宜

服升麻散方

川升麻兩黃連一兩去鬚川大黃二兩剉地骨

皮一兩黃芩兩大青兩

右件藥搗麤羅為散每服四錢以水一中

盞入生薑半分淡竹葉三七片煎至六分

去滓不計時候溫服

治傷寒五日頭疼口舌乾燥煩渴欲飲水宜

服石膏散方

石膏壹兩黃芩兩甘草壹分炙川大黃半兩

剉葛根半兩

右件藥搗篩為散都以水二大盞半入竹葉三七片煎至一盞二分去滓不計時候分溫三服

治傷寒五日吐利後身熱不去煩而腹滿卧起不安宜服此方

梔子人壹兩厚朴二兩去麤皮塗生薑汁炙令香熟枳殼二兩

麩炒微黃去酥

右件藥搗篩為散每服四錢以水一中盞人生薑半分煎至六分去滓不計時候溫

服

治傷寒五日頭痛壯熱四肢煩疼不能飲食嘔逆不定宜服梔子散方

梔子人三分黃連三分黃蘗三分川大黃三分

剉碎蘆根一兩葛根一兩

右件藥搗麤羅為散每服四錢以水一中盞入豉半合葱白二莖煎至六分去滓不

計時候溫服

治傷寒五日日熱舌乾頭痛脚脛酸疼宜服

三黃承氣湯方

梔子人兩黃芩兩川大黃一兩到陳橘皮一兩

一兩湯浸川朴消一兩

右件藥搗籠羅為散每服四錢以水一中

盞煎至六分去滓不計時候溫服

治傷寒六日候諸方

夫傷寒六日足厥陰受病厥陰者肝之經也

其脉循陰巢氏病源絡於肝故得病六日頰

滿而陰縮巢源也此則陰陽俱受病毒氣在

胃故可下而愈也

治傷寒病六日其病深結在藏是三陰三陽

俱受病若五藏六腑榮衛皆不通其人難治

宜服小柴胡湯方

柴胡二兩黃芩一兩赤芍藥一兩半夏半兩

去苗枳實半兩麩人參二兩甘草半兩

右件藥搗篩為散每服四錢以水一中盞

入生薑半分煎至六分去滓不計時候溫

服



治傷寒六日體重四肢煩疼多渴或譫語不知人事如此病證者胃中有結燥宜服大承氣湯方

川大黃二兩剉碎枳實二兩麩炒黃川朴消二兩厚

朴一兩去麩皮塗生薑汁炙令香熟

右件藥搗麤羅為散每服四錢用水一中盞煎至六分去滓不計時候溫服以利為度如人行十里未利再服

治傷寒病六日心胃妨悶煩熱不解面赤大

渴壯熱身體疼痛此證是毒氣攻心宜服瀉心湯

半夏半兩湯洗七遍去滑黃芩兩木通壹兩剉甘草兩壹

炙微赤剉人參半兩去蘆頭川大黃一兩剉碎微炒

右件藥搗麤羅為散每服四錢以水一中盞入生薑半分棗三枚煎至六分去滓不計時候溫服

治傷寒六日嘔噦不定頭痛體疼時有虛汗此證是冷熱未和宜服人參散方

人參 二兩去 柴胡 二兩去 黃芩 壹兩 甘草 壹兩  
盧頭 赤白朮 壹兩 半夏 半兩 厚朴 壹兩  
汁炙令 香熟

右件藥擣麤羅為散每服三錢用水一中  
 盞入生薑半分棗三枚煎至六分去滓不  
 計時候溫服

治傷寒六日發汗不解嘔逆小便不利胃脇  
 痞滿微熱而煩黃芩散方

黃芩 壹兩 桂心 壹兩 赤茯苓 壹兩 前胡 二兩  
兩 盧頭 去半

夏 壹兩 湯洗 七遍 甘草 半兩 厚朴 二兩  
汁炙令 香熟 皮塗生薑

右件藥擣麤羅為散每服五錢以水一大  
 盞入生薑六分棗三枚煎至五分去滓不  
 計時候溫服

治傷寒六日發熱惡寒肢節疼痛微嘔心下  
 痞結外證未去柴胡桂枝湯方

桂枝 壹兩 柴胡 二兩 芍藥 壹兩 人參 一兩  
兩 去苗 黃芩 壹兩 去蘆頭 黃  
 芩 壹兩 赤芍藥 壹兩 枳殼 壹兩 微黃 去蘆 甘草 半兩  
兩 炙微

赤到半夏一兩湯洗  
七漏去滑

右件藥搗篩為散每服五錢以水一大盞  
入生薑半分棗三枚煎至五分去滓不計  
時候溫服

治傷寒六日其人已發汗而不解胃脇滿小  
便不多利渴而不嘔但頭汗出住來寒熱而  
煩宜服牡蠣散方

牡蠣一兩燒為粉 甘草一兩炙 乾薑半兩炮 柴  
胡二兩 木通壹兩 桂心壹兩 黃芩兩 蘇蘇根

一厚朴兩去麤皮塗生  
薑汁炙令香熟

右件藥搗篩為散每服三錢以水一中盞  
煎至五分去滓不計時候溫服

治傷寒六日吐瀉百骨疼痛脚冷腹熱宜服  
人參散方

人參三分 柴胡三分 白茯苓三分 牡蠣三分  
燒為粉 黃芩三分 白芍藥三分 桂心三分 半夏三分  
七漏三分 甘草三分 乾薑三分 炮  
去滑微赤 剉 裂剉

右件藥搗篩為散每服三錢以水一中盞

人生薑半分棗三枚煎至五分去滓不計時候溫服

治傷寒六日發熱煩悶渴欲飲水得水而吐其脉浮數小便不利者宜服猪苓湯方

猪苓三分去黑皮白朮參分澤瀉壹兩桂心半兩赤茯苓

苓三分丁香參分甘草參分炙厚朴壹兩鹿皮壹兩生薑汁炙

令香熟

右件藥搗麤羅為散每服三錢以水一中盞入生薑半分煎至五分去滓不計時候

溫服

治傷寒六日心躁煩渴肢節解痛小腹急滿陰縮宜服葛根散方

葛根三分石膏壹兩柴胡壹兩川升麻參分知母參分梔子人兩甘草參分炙川大黃壹兩

母參分梔子人兩甘草參分炙川大黃壹兩

炒

右件藥搗篩為散每服四錢以水一中盞入生薑半分煎至六分去滓不計時候溫服

治傷寒六日心躁煩悶四肢疼痛小腹滿急宜服大青散方

大青叁分柴胡一兩梔子人壹分川升麻叁分知

母叁分石膏壹兩甘草叁分炙微赤剉

右件藥擣篩為散每服四錢以水一中盞入生薑半分煎至六分去滓不計時候溫服

治傷寒六日脉沉細不足者宜服通關散方

附子壹兩炮裂去皮臍乾薑半兩炮裂剉甘草半兩炙微赤剉

黃耆叁分剉桔梗半兩去蘆頭防風叁分去蘆頭羌活

半兩五加皮半兩桂心叁分

右件藥擣篩為散每服三錢以水一中盞煎至六分去滓不計時候溫服

治傷寒六日頭痛壯熱百節疼痛宜服柴胡散方

柴胡壹兩川升麻叁分黃芩叁分知母壹兩赤芍

藥壹兩大青叁分石膏二兩梔子壹兩川大黃壹兩

判碎杏仁雙叁分湯浸去皮尖微炒微黃

右件藥搗篩為散每服四錢以水一中入  
生半分五十粒煎至六分去滓不計時  
候溫服

治傷寒六日熱毒在藏胃中煩悶口噤不能  
言唯欲飲水成壞傷寒醫所不療宜服黑奴  
丸方

麻黃三兩去根節 竈下黃土 川大黃 黃芩  
川芒消 竈突墨 梁上塵已上各二兩  
右件藥搗羅為末鍊蜜和丸如彈子大每

服不計時候以井華水研下一丸

醫方類聚卷之四十六